



UNIVERSITÄTS-
BIBLIOTHEK
PADERBORN

Universitätsbibliothek Paderborn

Explanatio In Psalmos

Complectens Psalmos à 76 ad 100

Bellarmino, Roberto Francesco Romolo <Heiliger>

Dusseldorpii, 1764

VD18 15558428-001

Psalmus XCIX.

[urn:nbn:de:hbz:466:1-53423](#)

V. 9. Domine Deus noster tu exaudiebas eos:
Deus tu propitiis fuisseis, & ulciscens in omnes
ad inventiones eorum.

Simplicior expositio est hæc S. Aug: Exau-
diebas eos, cùm justa peterent: propitiis fuisti
facilis ad ignoscendum, cùm in te peccarent,
non siccens impunita peccata eorum.

V. 10. Exaltate Dominum Deum nostrum.
Adorare in monte sancto ejus: quoniam san-
ctus Dominus Deus noster.

Concludit, repetendo terè **V. 5.**, quia in eo
contineatur summa totius Psalmi. Sensu priori
hortatur David Hebreos, ut adorent Domi-
num in monte Sion, ubi erat tabernaculum, &
ubi futurum erat templum. Sensu altero hor-
tatur Christianos, ut adorent Deum in Ecclesiâ
Catholicâ, quæ mons est sanctus, & Sion spi-
ritualis, & fugiant conventicula Schismati-
cum, & Hæreticorum, quoniam sanctus est Do-
minus Deus noster, & ideo odit montes, seu co-
etus falsis religionibus pollutos.

PSALMUS XCIX.

Titulus: Psalmus in confessione.

Huic titulo Hebraico Græci addunt no-
men Davidis.

Argumentum est hortatio populi, ut frequen-
ter & diligenter Deo confiteantur confessionem
laudis, quia nos condidit, pascit, dulcissima est
ejus

ejus commemoratione, & perpetua erga nos misericordia & fidelitas.

V. 1. Jubilate Deo omnis terra: servite dominum in latitia.

Omnis, qui Deum verum colitis, ubique
que sitis in universâ terrâ, Deum laudate: ser-
vite ei obediendo, non coacte, sed spontaneè,
non cum amaritudine, ut mancipia, sed cum
lætitia, ut liberti: & summa legis Dei dilectio
est, & dilectione nihil dulcius.

V. 2. Introite in conspectu ejus in exultatione.

Deus quidem ubique laudandus, sed præ-
cipue in templis; unde monet: *Introite in do-
mum Dei, ubi peculiari modo conspicitis
Deum, & conspicit vos Deus: sed introite in
exultatione cordis, animo erecto, & inflam-
mato, ut Deus vos præ desiderio sui exultantes
videat.*

*V. 3. Scitote, quoniam Dominus ipse est
Deus, ipse fecit nos, & non ipsi nos.*

Ad excitandam devotionem, in templo re-
quisitam, juvat consideratio magnitudinis Dei,
& beneficiorum ejus. Dum ad Deum orandum,
& laudandum acceditis, attente considerate,
quod ipse sit verus Deus, quo nihil majus, vel
melius cogitari potest: & quod ipse sit, cui vi-
tam, & totum, quod estis, debetis. Licet
parentes gignant filios, prima tamen canta, sine
qua

quâ parentes nihil efficent, Deus est. Vide 2.
Machab. 7.

V. 4. Populus ejus, & oves pascuae ejus, introite portas ejus in confessione, atria ejus in hymnis confitemini illi.

Refert alterum beneficium: *Populus*, quem Deus peculiari providentiâ regit, & quos veluti rationales oves in pascuis suis doctrinæ pabulo reficit, & corporalibus etiam alimentis pascit, introite portas tabernaculi ejus in confessione laudis, & atria ejus in hymnis, & sic confitemini illi, vos omnia ei debere, ac de manu ejus bona omnia suscepisse.

V. 5. Laudate nomen ejus, quoniam suavis est Dominus, in eternum misericordia ejus, & usque in generationem, & generationem veritas ejus.

Addit tres proprietates Dei, quasi tres rationes, cur dignus sit, ut ab omnibus laudetur. Quia suavis est, nam facile miseretur, & quia miseretur, promittit liberationem; & quia verax, implet promissa.

PSALMUS C.

Titulus: *Ipsi David Psalmus.*

Argumentum Psalmi est: David explicat exemplo suo qualis debeat esse bonus Princeps cum erga familiares, & privatam suam dominum; tum erga Rempublicam.

Quod